



## **Tsab ntawm xaus lub xyoo sau los ntawm koj tus Library Director**

Xyoo 2023 yog ib xyoos hauj lwm khiav tau zoo, muaj ntau yam zoo tshwm sim, thiab Sun Prairie Public Library tau sib tham nrog rau cov pej xeem. Lub library tau tsim ib qho kev npaj yuav siv mus rau 3 xyoo tom ntej no uas yog los xyuas txoj 4 yam raws li nram qab no:

- 1) Ua Kom Neeg Paub Txog thiab Sib Tham Nrog Cov Pej Xeem kom Tau Nyiaj Txiag Pab Ntxiv
- 2) Muab Cov Chaw Kho Dua Tshiab kom Haum Rau Tej Kev Xav Tau Ntawm Cov Pej Xeem
- 3) Nchuav Nyiaj Txiag Ntxiv thiab Nrhiav Ntau Hom Neeg Los Ua Hauj Lwm thiab Muaj Ntau Hom Kev Pab Cuam
- 4) Muab Cov Hauj Lwm thiab Cov Kev Pab Cuam Txhim Kho thiab Nthuav Ntxiv

Peb qhov Summer Reading Program (kev nyeem ntawv rau lub caij ntuj sov) rau cov hluas thiab cov laus muaj neeg coob heev tuaj koom. Nyob thoob plaws hauv lub zos, qhov “Library Champion” yuav muaj ua lus As Kiv, Spanish, Fab Kis, Hindi, Tamil, Urdu, thiab Hmoob! Peb npaj tias xyoo puav tom ntej no yuav muaj ua lwm hom lus ntxiv! Lub library qhov hauj lwm thaum lub caij ntuj sov yog muab peb cov neeg tuaj siv peb cov kev pab cuam txuas mus rau ib cov tswv yim tshiab thiab ua kom cov neeg txhua lub hnuv nyug nyiam nyeem ntawv thiab nyiam kawm.

Lub library txoj hauj lwm nws dhau tshaj ntawm peb lub qhov rooj, peb mus saib cov Tsev Laus, lub Dream Bus Mobile Library tawm mus cig xyuas sawv daws, thiab mus xyuas cov chaw qhia ntawv 4K Headstart. Sun Prairie Public Library zoo siab tias peb tau koom tes nrog rau cov koom haum hauv zej zog xws li Sunshine Place, Cards Closet, Sun Prairie Emergency Food Pantry, Second Harvest, Community Schools, Public Health Madison Dane County, American Red Cross, thiab Neighborhood Navigators . Cov kev koom tes no ua rau tag nrho cov koom haum muab lawv cov kev pab cuam sau ua ke mus pab rau tag nrho cov pej xeem kom zoo.

Cov nyiaj txiag thiab txoj kev txhawb los ntawm lub koom haum Friends and Foundation ua rau peb nthuav tau ntxiv txoj kev ua yeeb yam thiab kev kos duab rau cov pej xeem. Xyoo no, peb muaj thawj tus kws hu nkauj/sau nkauj hauv zos tuaj hu nkauj nyob rau lub caij nplooj ntoos hlav. Nyob rau lub caij nplooj ntoos zeeg, peb kom Rebecca Kautz uas yog peb thawj tus kws kos duab tuaj nrog peb ua hauj lwm. Rebecca lub luag hauj lwm muaj xws li qhib ib lub sij hawm ua hauj lwm thiab nrog neeg sib tham thiab muab ib tug los ua nws khub es xyaum kos duab ua ke.

Tsis tas li xwb, cov neeg ua hauj lwm hauv library thiab cov thawj tswj lub library ua hauj lwm tsis muaj caij so nyob rau tom qab los txhawb rau txoj hauj lwm uas peb yuav muab lub library

no ua kom loj ntxiv thiab rov muab kho dua tshiab. Tam sim no peb tab tom kos lub tsev thiab yuav npaj tsa rau lub 6 Hli Ntuj 2024!

Xyoo tom ntej, peb cia siab tias peb yuav ua kom zoo tshaj tauj ntxiv rau qhov peb ua tau zoo rau xyoo no. Txawm hais tias, peb tseem muab lub tsev kho dua, peb npaj hais tias peb yuav qhib cov sij hawm zoo ib yam li qub nyob rau lub caij kho lub tsev. Peb yuav nthuav peb cov kev tawm mus cuag cov neeg thiab yuav coj cov ntawv mus rau txhua hoob kawm ntawv 4K Headstart. Peb yuav ua hauj lwm ntxiv mus nrog cov pej xeeb los tsim thiab qhia txog kab lig kev cai uas cov pej xeeb xav txog thiab tej yam lawv nyiam. Peb twb npaj tau ib qho kev ua hauj lwm nrog rau Sun Prairie Area School District uas yuav yog ib qho coj tag nrho cov me nyuam kawm ntawv hoob 5 nyob rau hauv lub district tawm mus saib lub library.

Cov pej xeeb yog lub siab lub ntsws ntawm Sun Prairie Public Library thiab thaum peb cov pej xeeb muaj coob zuj zus tuaj, lub library los kuj yuav tau ua kom loj ntxiv. Qhov muab lub library kho kom loj ntxiv yog ib qho hloov txoj kev ua hauj lwm ntawm lub library xws li ib qhov kev mus tshawb tej yam tshiab, tsim tsa, muaj kev sib cuag/sib txuas nrog lwm tus, thiab txoj kev xav.

Nws yog ib lub sij hawm zoo heev thiab kuv zoo siab tias kuv tau ua hauj lwm ua ke nrog kuv cov khub ua hauj lwm uas txawj ntse thiab paub hauj lwm. Peb yuav ua tsis tau cov hauj lwm no yog tias peb tsis tau kev pab tawm suab thiab kev txhawb los ntawm peb cov Thawj Tswv lub Library, Library Foundation, Friends of the Library, thiab pab City Council. Qhov tseem ceeb tshaj plaws, peb yuav ua tsis tau cov hauj lwm no yog tias peb tsis tau kev txhawb los ntawm cov neeg tuaj siv peb lub library uas lawv pom txog lub txiaj ntsim ntawm txoj kev kawm uas yog ib yam yuav kawm mus tag ib sim neeg tsis hais yam dab tsi li.

Sawv cev tag nrho ntawm cov neeg ua hauj lwm hauv Sun Prairie Public Library thiab cov thawj tswj, kuv xav txhua leej txhua tus muaj kev zoo siab thiab ntsib kev noj qab nyob zoo rau lub caij no thiab rau lub Xyoo Tshiab thiab kuv cia siab tias xyoo 2024 yuav yog ib xyoo muaj txoj kev huam vam!

Ua tsaug ntau,  
Svetha Hetzler  
Sun Prairie Public Library Director